



Aalisarnermut, Piniarnermut Nunalerinermullu Naalackersuisoqarfik

Inatsisartunut ilaasortaq Anthon Frederiksen

§ 36 imm. 1 naapertorlugu apeqquteqaat. Kalaallit Nunaata Kitaata Avannaani tuttuniarneq pillugu

Inatsisartut Suleriaasissaanni § 36, imm. 1 naapertorlugu, Naalackersuisunut apeqquteqaateqarputit Aalisarnermut, Piniarnermut Nunalerinermullu Naalackersuisoqarfimmit akisassanngorlugu innersuusutigineqartumik. Apeqquteqaativit akineqarnissaannut tunngatillugu Pinngortitaleriffik qinnuigivara immikkoortumik ilassuteqaqqullugu.

22. august 2008
J.nr. 01.28/2008
Postboks 680
3900 Nuuk
Oq/tel +299 34 50 00
Fax +299 32 30 40
aapip@gh.gl
www.nanoq.gl

Apeqqut 1. Tuttoqarfiit Nunatta avannaani "Sigguk"-miit avannamut Qaanaap kommunia ilanngullugu qanoq ilisimatuussutsikkut malinnaaffigineqartigaat?

1990-ikkut aallartisimalerneranniilli Kalaallit Nunaata Kitaata Avannaani "Sigguk"-miit avannamut Qaanaaq tikillugu tuttoqassuseq pillugu ilisimatuussutsikkut misissuisoqarsimanngilaq. Kisianni 2000-imiit pingaartumillu 2008-mi sumiiffimmi najugaqartunit angalasunit tuttunik takunnittoqartarsimavoq.

Apeqqut 2. Sumiiffinni assignngitsunut tuttuq qanoq amerlassuseqarnerisut naatsorsorneqarsimappaat?

Pinngortitaleriffiup nalunaarutigaa, 1990-ip 1996-illu akornanni nalilerneqartoq Qimusseriarsuarmi tuttuq nungussimassasut imaluunniit ikittuararsuannngorsimassasut. "Sigguk"-mi Avannarlernilu (Inglefield Land) tuttuq ikittuaraannaapput. Kalaallit Nunaata Kitaani tuttoqarfimmi anginerusuni Pinngortitaleriffik akuttunngitsunik tuttunik kisitsisarpoq. Taakku tassaapput Sisimiut, Maniitsup aamma Nuup kommunia. Tuttoqarfimmi minnerusunik piniarnikkut neqinik aningaasatigullu annikitsuaaraannarnik pissarsinissamik iluanaaruteqarnissamat sanilliullugu nakkutillinneq aningaasartuutaasartorujussuuvoq. Taamaattumik ukiuni aggersuni Sisimiut avannaani tuttunik kisitsinissamat Pinngortitaleriffik pilersaaruteqanngilaq. Najukkani ikittuinnarnik tuttoqarfiusuni, najukkani piniartunik piniarnermillu nakkutilliisunik nalunaarsueriaatsimik ilinniartitsinissamik piviusunngortitsinissamat Pinngortitaleriffik ikiuunissaminut piareersimavoq. Taamaattorli tamatumani aningaasanik maana piginngisatsinnik avataaniit pissarsinissaq piunasaqaataassaaq.

Apeqqut 3. Kullorsuup avannaani "Tuttulissuaq", tuttoqarpa?

2008-miit Tuttulissuup avannamut samminerani tuttunik misissuinermi tuttunik taak-kulu tumaannik Nuussuarmi Upernaviup eqqaani piniartut assilisaasigut kiisalu su-

miiffimmi najugaqartut nalunaarutiginnittarnerisigut tutunik takunnittoqartarsimane-
ra uppernarsineqarpoq. Taamaattorli matumani erseqqissarneqassaaq "Tuttulissu-
aq" Qaanaap kommunianiimmat.

Apeqqut 4. Upernaviup kommuneqarfiani tuttoqarpa? Taakku piniarneqarsin- naanerit qanoq periarfissaqarpa?

Siggummi ikittuinnarnik tuttoqarnera uppernarsineqarpoq. Ullumikkut Pinngortitale-
riffik Upernaviup kommuniani pisassissiissuteqarnissamut siunnersuinissaminik pe-
riarfissaqanngilaq, tassa sumiissutsimi tutut amerlassusiinik qassiussusiinillu nalili-
isinnaaneq amigaataammat.

Tuttunniarfiusinnaasumik nutaamik pilersitsisoqassappat, sumiiffimmi tuttoqassu-
seq pillugu paasissutissiinissaq pisariaqarpoq.

Pinngortitaleriffiup nalunaarutigaa, kommunit namminneq kisitsinissaq isumagisin-
naagaat tamakkununga aningaasartuutissat matussutissaqartissinnaagunikkik. Ki-
sitsineq ingerlanneqassaaq ilinniartitaasimasunik sulisoqarluni aamma piuma-
saqaataavoq pisariaqartitanik atortoqarnissaq (qamuteralaat, qinngutit, sillimaniar-
nermut atortut, pappialat immersuiffissat, il.il.). Kisitsineq ingerlanneqassaaq aala-
jangersimasunik malittarisaaqarnermik periaaseqarnikkut. Kommunit namminneerlu-
tik kisitsinissartik kissaatigunikku Pinngortitaleriffik attavigissavaat, pilersaaruser-
nermut, sungiusarnermut, piviusunngortitsiniaanermut aamma paasissutissanik mi-
sissueqqissaarinermut atatillugu tapertaanissaminut piareersimasoq.

Taamaattoq suliamut tamatumunnga atatillugu, angalanermut aningaasartuutitut
Pinngortitaleriffimmi missingersuutitigut matussutissiisoqarsinnaanngilaq, taamaat-
tumik tamakkununga aningaasat atugassat allamit pissarsiarisariaqassapput, so-
orlu kommunip nammineq aningaasaataasa iluannit.

Sumiiffimmi aalajangersimasumik taasami kisitsisoqassagaluarpat, Naalackersu-
isoqarfik aamma Piniarnermut Aqutsisoqarfik, sumiiffimmi aqutsisoqarfimmut taper-
sersuissaaq. Kisitsinermi paasineqassagaluarpat tuttoqassutsip piniarneq ajoquti-
gissanngikkaa, killilimmik nakkutigisaasumik piniarneq piaartumik atuutilersin-
neqarsinnaassaaq, tuttoqassutsip ajutoorluinnarsinnaaneramik kinguneqartumik ne-
riniarfissaarunnissaq pinngitsoortinniarlugu.

Inussiarnersumik inuulluaqqusillunga

Finn Karlsen

Aalisarnermut, Piniarnermut Nunalerinermullu Naalackersuisoq